

Steinersdorfer - Rud

Rudenkirtag Sierning Faschingdienstag 17.2.2026



Fria woas oafocha Unsa Raika steht jetz la Es is doch, ungeheuer Ein Banktermin a Abenteuer Vo Neikircha foast noch Siang Miasat Ih jetz liang Waunns so weida fusioniern Wiads daun boid zum fliang	Wos kimmt in den gelben Sack Plastik Alu Tetrapack Fria haumma glernt des Trenna Miassma si wieda ogwenna Haun ois in oa Sacki zaum Stoana Woifal sogt schen daung Ois nextas kummt, mia woins ned nenna Des gaunze hinterm Haus verbrenna
Beim Sturl in Siang, san vor Wochen Etla Sau ausbrochen Bau und Bäurin ned dahoam Muas da Stoiknecht umma foan Höfn zaum beim Suachn Den Oidn heast schau fluachn Woin jo koane Freilaundschweine Des bringt beim Sturl zwenig Scheine	Vom Luanga de liabe Traudi Hod aum Kirda wenig Gaudi Is hoid a nimma de jinga Hod uns ned gheat, letzts joa singa Voller Stolz erklärt sie daun Das Tontechnik ned sei kaun Fia de boa Sau beim Derflinger Hots a gaunz sche schlechtes Ghea
Bam Jungwirt Hannes da Zechn sticht Hod agrat de saufad Gicht Vastehts bam Lebenswaundl nicht Drum mit da Doktorin er spricht Da Jungwirt sogt, zu dem Madl Schuid san de Zigeunerradl De mochan jo, an narrisch Durscht 10 Hoibe Bier de san Wurscht	In Schiedlberg missts wissn Hods in Moizna Erdbau zrissn Da Mandorfer geht jetz hausiern Weis beim Moizi nix vabiang Für Paragraph Siemafuchzg A Gengen wir zum Mandorfa Jetzt is schluss mit da Reklame Zoi uns Floschn, ned nua ane
50 Joah Goidhaum wissts es eh Draust woas koit und volla Schnee D Sianga Goidhaum gfreids ned nahn Trocht auziang woa ned aum Plan D'Hoa de sitzn, Frisur fixiert Normal wiad d Trocht exponiert Leida ohne guade Trocht Hod in Umfaung nimma gschofft	Obermoa Gärtnerei baut wieder aus Fia Fritz und Manuela a Auszugshaus Se kinans goa, nimma dawoatn D'Pension beim Staudngoatn Nebn da Oabeit glei es Pool Des findn d Leabuam ned so cool Ois Gärtner host as wiakli schwa, D Chefleit bodn FKK
Es Strügi woa bis zletzt a Graus A so a Ziagl gmauerts Haus Heid erstrahlts in neiem Glaunz Haums owaputzt beim Forster Fraunz Jetzt is erm, uns woa schau baunga Do nu ah a Liacht aufgaunga Beleuchtung top, mehr geht fost nimma Di fint da Saulostwong jetzt imma	Da Sturl Thomi hod brilliert Polizei hod kontrolliert S'Auto dreckig ungepflegt D'Kiwarei woa erregt Kurz auf de Kontrolle drauf Hoins in Voddan damit auf Herr Sturl ia Bua, is a Floschn Hod sie duscht ned s'Auto gwoschn